

Broj: 09-11-6-8-4905-22/26  
Sarajevo, 14.08.2026. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 03-04-3-1722/26 od 20.02.2026. godine, federalni ministar financija/finansija **d o n o s i**

**Odluku o izboru najpovoljnijeg ponuđača za javnu nabavu roba –  
Nabava računarske opreme  
LOT 1 – NABAVA MONITORA  
za potrebe Federalnog ministarstva financija/finansija**

**I**

U cilju odabira najpovoljnijeg ponuđača, nakon provedenog otvorenog postupka javne nabave roba – Nabava računarske opreme: LOT 1 – Nabava monitora za potrebe Federalnog ministarstva financija/finansija, evidencijski broj nabavke: 09-11-6-8-4905-1/26, broj Obavještenja o nabavci sa portala javnih nabavki: 810-1-1-17-3-12/26 od 12.06.2026. godine, Sažetak Obavještenja o nabavci objavljen u „Službenom glasniku BiH – Oglasnik javne nabavke“, broj: 42/26, kao najpovoljnija prihvatljiva ponuda ocijenjena je ponuda ponuđača:

- **EMADO d.o.o. Sarajevo, s ukupnom cijenom ponude bez PDV-a u iznosu 15.500,00 KM, nakon okončane e-aukcije.**

**II**

Ponuda ponuđača iz tačke I ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora, ponuđač je ponudio najnižu cijenu nakon okončane e-aukcije.

**III**

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

**IV**

Odluka stupa na snagu danom donošenja i objaviti će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## Obrazloženje

Postupak javne nabavke pokrenut je Odlukom o pokretanju postupka, broj: 09-11-6-8-4905/26 od 28.05.2026. godine. Javna nabavka provedena je putem otvorenog postupka i podijeljena je na 2 (dva) lot-a. Ukupna procijenjena vrijednost nabavke iznosila je 30.000,00 KM bez PDV-a i predviđena je Planom javnih nabavki za 2026. godinu Ministarstva - dio Robe pod rednim brojem 2. – Nabava računarske opreme. Procijenjena vrijednost nabavke za LOT 1 iznosila je 23.200,00 KM bez PDV-a. Obavijest o nabavci broj: 810-1-1-17-3-12/26 poslana je na objavu 12.06.2026. godine, te je zajedno sa Tenderskom dokumentacijom istog dana objavljena na portalu javnih nabavki. Tendersku dokumentaciju preuzelo je 30 privrednih subjekata, a 9 ponuđača dostavilo je ponude u predmetnom postupku nabavke za LOT 1. Ponude su dostavljene blagovremeno od strane ponuđača: EMADO d.o.o. Sarajevo, ELUR d.o.o. Kiseljak, NEUTRINO d.o.o. Tuzla, NET d.o.o. Mostar, IMTEC d.o.o. Sarajevo, CTECH d.o.o. Sarajevo, ARTCO GROUP d.o.o. Sarajevo, INTER - COM d.o.o. Zenica i PING d.o.o. Sarajevo.

Komisija za javne nabavke, imenovana Rješenjem, broj: 03-04-3-1722/26 od 20.02.2026. godine, izvršila je pregled i evaluaciju pristiglih ponuda, te konstatirala da od ukupno devet zaprimljenih ponuda, osam ponuda je prihvatljivo i to ponude ponuđača: EMADO d.o.o. Sarajevo, ELUR d.o.o. Kiseljak, NEUTRINO d.o.o. Tuzla, NET d.o.o. Mostar, IMTEC d.o.o. Sarajevo, ARTCO GROUP d.o.o. Sarajevo, INTER - COM d.o.o. Zenica i PING d.o.o. Sarajevo, a ponuda ponuđača CTECH d.o.o. Sarajevo ocijenjena je kao nepravilna.

Ponuda ponuđača CTECH d.o.o. Sarajevo, sa registriranim sjedištem u Sarajevu, ID broj: 4202437590008, ocijenjena je nepravilnom iz sljedećeg razloga: U tački 23. Nacrt ugovora Tenderske dokumentacije, između ostalog, propisano je: *„Ponuđači su dužni uz ponudu dostaviti Nacrt ugovora (zavisno od LOT-a na koji se prijavljuju), u koji su unijeli podatke iz svoje ponude, te parafirati sve listove Nacrta ugovora.“*

Pregledom ponude ponuđača CTECH d.o.o. Sarajevo, konstatovano je da ponuđač u *Aneksu 8 za LOT 1 Nacrt ugovora o javnoj nabavci roba - Nabavka monitora* nije unio podatke iz Ponude.

Nakon izvršenog pregleda i evaluacije pristiglih ponuda, Komisija je dostavila federalnom ministru financija/finansija Zapisnik o pregledu i ocjeni ponuda za LOT 1, broj: 09-11-6-8-4905-20/26 od 13.08.2026. godine zajedno sa Preporukom o izboru najpovoljnijeg ponuđača EMADO d.o.o. Sarajevo, sa registriranim sjedištem u Sarajevu, ID broj: 4201929330005.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka I) podtačka 1) Zakona o javnim nabavkama za LOT 1, a u skladu sa kriterijem za dodjelu ugovora, ponuđač je ponudio najnižu cijenu nakon okončane e-aukcije.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

#### *Dostaviti:*

1. Svim ponuđačima u postupku
2. U dokumentaciju Komisije
3. Sektoru za ekonomske, finansijske i zajedničke poslove
4. a/a

